

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 Ip 1075857 24 Ip
Sarajevo, 20.07.2026. godine

Općinski sud u Sarajevu, sudija Pejčinović Mirna, u pravnoj stvari tražioca izvršenja OPĆINA NOVO SARAJEVO zastupana po Pravobranilaštvu kao zakonskom zastupniku, ul.Zmaja od Bosne br.55, Sarajevo, protiv izvršenika A&D COMPANY d.o.o.Kakanj, sa sjedištem u Kaknju, ul.Alije Izetbegović br. K2, radi izvršenja, van ročišta dana 20.7.2026. godine donio je:

Z A K L J U Č A K

1.Određuje se drugo ročište za javno nadmetanje pokretnih stvari izvršenika I to poljske kuhinje / N250-Mobilna profesionalna kuhinja, ID broj T392TKN3DJDBY9003 koja je popisana u zapisniku o pljenidbenom popisu ovog suda broj 65 0 Ip 1075857 24 Ip od 8.4.2025.godine a koja se nalazi na adresi Ul.Zmaja od Bosne 55, I čija vrijednost u skladu sa nalazom i mišljenjem vještaka mašinske struke Čamdžić Salka od 16.12.2025.g. iznosi 29.298,00KM

za dan PETAK 4.SEPTEMBAR 2026.godine u 9.00 sati.

Javno nadmetanje za prodaju održaće se u Općinskom sudu u Sarajevu, Ul.Šenoina 1, soba 454/IV.

Sud će u smislu člana 77. Zakona o izvršnom postupku, a u vezi sa članom 135 Zakona o izvršnom postupku, zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja stvari, uz prisustvo sudskog izvršioca. Navedeni zahtjev mora biti podnijen u pisanoj formi 8 dana prije održavanja ročišta.

2.Na drugom ročištu za javno nadmetanje pokretne stvari se mogu prodati bez ograničenja u pogledu iznosa njene cijene.

3.Kupac je dužan platiti cijenu u roku koji ne može biti duži od 8 dana od dana prodaje.

4.U javnom nadmetanju iz tačke 1. ovog zaključka kao kupci mogu učestvovati samo lica koja su prethodno dala osiguranje. Osiguranje iznosi 1/10 utvrđene vrijednosti pokretne stvari s tim što ne može iznositi više od 10.000,00KM.Osobe koje sudjeluju u javnom nadmetanju dužne su prije početka ročišta predati uplatnicu iz koje je vidljivo da je osiguranje položeno.Osiguranje se polaže na račun Općinskog suda u Sarajevu za depozite i ostalo koji se vodi kod BBI dd Sarajevo broj **1 4 1 1 9 6 5 3 2 0 0 0 9 6 3 9** sa naznakom broja predmeta. Ponuđačima čija ponuda nije prihvaćena, osim za tri najbolja ponuđača, vratiće se osiguranje odmah nakon zaključenja javnog nadmetanja. Osiguranje u ovoj izvršnoj stvari nije dužan dati tražilac izvršenja na čiji je prijedlog određeno izvršenje.

5.Ovaj zaključak objaviće se na oglasnoj tabli ovog suda, a tražilac izvršenja zaključak može objaviti i na način predviđen za objavljivanje prodaje nepokretnosti, odnosno u sredstvima javnog informisanja, ili o zaključku obavijestiti lica koja se bave posredovanjem u prodaji .

S U D I J A
Pejčinović Mirna

POUKA: Protiv ovog zaključka nije dozvoljen pravni lijek.